

CYNGOR CYMUNED LLANBERIS

COFNODION CYFARFOD MIS IONAWR 2020:

Cofnodion Cyfarfod y Cyngor a gynhaliwyd yn Y Ganolfan, Llanberis, nos Fercher yr 8fed o Ionawr, 2020 am 7.00 y.h.

1 PRESENNOL ac YMDDIHEURIADAU:

Ward Padarn: Bethan Holding (Cadeirydd), Heather L Jones, Cyng. Kevin Morris Jones, Helen Sharp, Trystan Thomas

Ward Peris: Iola Owen. Hefyd yn bresennol: Dei Tomos (Clerc).

Ymddiheuriadau: Rhys ap Gwilym, Gwilym Evans, Olwen Gwilym, Iwan Harding,

2 DATGAN BUDDIANT:

Cofnodir, os yn berthnasol, o dan y gwahanol benawdau.

3 CADARNHAU COFNODION:

Cadarnhawyd cofnodion cyfarfod nos Fawrth y 10fed o Ragfyr, 2019 fel rhai cywir ac fe'u harwyddwyd gan y Cadeirydd. Cynnig ac eilio: KMJ / IO

4 MATERION YN CODI O'R COFNODION:

1. *Wal y Fynwent:*

Yn dal i ddisgwywl pris torri coed.

2. *Coed a Goleuadau Nadolig:*

Cafwyd canmoliaeth i'r ddarpariaeth eleni gan sawl un. Soniwyd am ychwanegu goleuadau i ryw 6 polyn ym mhen dwyreiniol y pentref ar gyfer Nadolig 2020.

3. *Cynllun Cynefin LleChi:*

Bu BH a KMJ mewn cyfarfod arall a drefnwyd. Nodwyd fod peth newid wedi bod yn y ffordd y bydd grantiau'n cael eu cynnig er mwyn hwyliuso'r drefn. Awgrymwyd cysylltu'r mater a dathliad 800 mlynedd Castell Dolbadarn. Mae cyfarfod arall i'w gynnal gyda nifer yn cyfarfod cyn hynny.

4. *Coed Doctor:*

Roedd y Clerc wedi gofyn am gael trwsio'r giat. Roedd hefyd wedi cysylltu efo BG i weld a oedd rhywbeth pellach ar y gweill ar gyfer y coed. Mewn ateb dywedodd BG i'w swydd gael ei hymestyn tan ddiwedd Mawrth. Yn y cyfamser yn ogystal a thocio'r coed ger y tai bydd contractiwr yn cael gwared a changhennau marw oedd yn beryglus ger y llwybrau. Dywedodd ei fod yn gobeithio hefyd trefnu nifer o 'ddyddiau gwaith' gan geisio denu pobl leol i ddysgu sgiliau newydd. Soniodd yn ogystal am y gwaith gyda'r ddau Gyngor arall lle'r oedd CG yn ceisio eu cael i reoli coedlannau.

5. *CG - Toiled Y Glyn:*

Yn dilyn y sioc fod y toiled wedi cau a Chyngor Gwynedd (CG) wedi torri ei addewid, daeth newydd da rai dyddiau cyn y Nadolig, wedi i KMJ a'r Clerc ysgrifennu i fynegi siom y Cyngor hwn, i ddweud y byddai'r toiled ar agor am bythefnos dros y Nadolig a'r Calan. Erbyn heno cafodd y Clerc wybod gan AWJ un o swyddogion y CG y bydd y toiled yn parhau ar agor weddill y gaeaf. Bydd y Clerc yn holi am gadarnhad o hynny ar bapur. Penderfynwyd y byddai'n rhaid sicrhau bod y tri toiled ar agor tan ddiwedd y flwyddyn cyn talu'r arian y cytunwyd arno i CG.

6. *Biniau Halen:*

Cafwyd cadarnhad bod y Clerc yn y broses o drefnu gyda CG i lenwi'r biniau halen. Penderfynwyd eu llenwi i gyd gan adolygu'r sefyllfa ar ôl y gaeaf. Unwaith y gaeaf yn unig y llenwi'r y biniau.

7 *CG - Llifogydd yn cau'r ffordd yn Nantperis:*

Cafwyd ymateb i lythyr y Clerc yn nodi bod gwaith wedi ei wneud cyn ac ar ôl y llifogydd. Nodwyd hefyd y bydd cadw'r pibellau ar agor yn flaenoriaeth ac yn rhan o drefnlen waith y Cyngor yn y dyfodol. Nodwyd bod nifer o fanion eraill i'w gwneud i geisio lleddfu'r broblem ond nad oedd sicrwydd yn ôl y SJ pennaeth Adran Priffyrdd CG y gellid sicrhau na fyddai llifogydd eto. Does dim arwydd bod y Cyngor yn bwriadu rhoi pibellau gwell a mwy o dan y ffordd, ac roedd rhyw ymdrech i egluro nad oedd hynny yn ymarferol. Penderfynwyd gofyn i'r peiriannydd egluro beth yn union oedd y broblem mewn iaith bob dydd.

5 GOHEBIAETH:

1. *Gwilym Evans:*

Yn nodi wrth ymddiheuro ei fod wedi derbyn nifer o sylwadau gan bentrefwyr oedd yn gwrthwynebu y bwriad yn yr ymgynghoriad cynllunio i greu maes antur a tŵr dringo tu ôl i Westy Dolbadarn. Y ffordd mae'n debyg oedd un o'r prif bryderon ynglyn a'r cynllun. Serch hynny roedd croeso i'r syniad o ddatblygu a gwella'r gwesty.

1/2

2. Owl Cymru:

Llythyr Saesneg am wasanaeth rhybudd trosedd a diogelwch yn nodi nad oedd arian i redeg y gwasaneth ac yn holi am gymorth. Er fod nifer yn ymwybodol o beth o waith y grwp, penderfynwyd nad oedd y Cyngor yn dymuno ymuno a'r cynllun.

3. Cymorth Cynllunio Cymru:

Gwahoddiad i gyflwyniad ar gyfer Cyngorau Cymuned yn ymwneud â gwaith yr Arolygiaeth Gynllunio yn Llandudno ar y 24ain o Ionawr, 2020.

6 MATERION ARIANNOL:

1) Yn y Banc ar yr 28ain o Ragfyr, 2019

Cyfrif Cyfredol: £23,829.22 **Cyfrif Cadw:** £5,361.00

2) Cadarnhawyd y taliadau canlynol: £3,142.38

3) Arian a dderbyniwyd rhwng 29/10/2019 a 28/11/2019: £220.88

Cynnig ac eilio: TT / KMJ

7 CYLLIDEB 2020 - 2021:

Craffwyd yn fanwl ar sefyllfa ariannol bresennol y Cyngor yn ogystal a rhagdybio a fyddai'r gwariant yn debyg i'r hyn a glustnodwyd yn y Gyllideb. Hyd yma mae'r gwariant yn agos iawn at y Gyllideb ac er ei bod yn anodd rhagweld union wariant un neu ddwy o adrannau cyn diwedd y flwyddyn doedd dim achos i bryderu. Er engraifft gwyddom fod y cais am genfogaeth i Eisteddfod Genedlaethol Llyn ac Eifionnydd yn mynd i fod yn llai na'r disgwyl, (penderfynwyd gwneud y cyfraniad eleni) ond bydd bil halen sylweddol mae'n debyg ar ôl penderfynu llenwi'r biniau i gyd. Trafodwyd nifer o syniadau yn cynnwys dechrau gosod offer ar gyfer ymarferion awyr agored a fyddai'n addas i bobl o bob oed. Bydd angen trafod lleoliadau, mwy na thebyg gyda CG, cyn gwneud penderfyniadau pellach, ond neilltuwyd arian mewn egwyddor ar gyfer yr offer, gan ychwanegu atynt mewn blynyddoedd i ddod os y byddant yn boblogaidd. Nodwyd hefyd bod angen edrych ar gyflog ac amodau gwaith y Clerc.

8 PRAESEPT 2020 - 21:

Ar sail yr uchod a chynydd mewn gwariant mewn rhai adrannau penderfynwyd cynyddu'r Praesept i £30,000, cynydd o £2,000. Mae hyn yn golygu cynydd ar drethi cartrefi Band D o £2.58, yn cyfateb i gynydd o £0.21c y mis, i roitreth o £38.76 y flwyddyn. Cynnig ac eilo Rhifau 7 ac 8: HLJ / TT.

9 CYFARFOD NESAF:

Yn Y Ganolfan, Llanberis. Nos Fercher Chwefror 12fed, 2020 am 7yh.

Arwyddwyd a chafwyd yn gywir:

Rhys ap Gwilym / Cadeirydd

12fed o Chwefror, 2020.

Clerc: Dei Tomos

Dyddiad